

ქ. თბილისის საკრებულოს ეკონომიკური რეფორმებისა საქალაქო მეურნეობის კომისიის დებულება

თავი I

ზოგადი დებულებები

მუხლი 1

1. საკრებულოში საკითხების წინასწარი მომზადების გადაწყვეტილებათა შესრულებისათვის ხელშეწყობის მიზნით შექმნილია ეკონომიკური რეფორმებისა და საქალაქო მეურნეობის კომისია (შემდგომში კომისია).
2. კომისია განიხილავს და ამზადებს შესაბამის დასკვნებს საკრებულოს მიერ დედაქალაქში ეკონომიკური რეფორმების გატარების და საქალაქო მეურნეობის დარგების განვითარების საკითხებზე.
3. კომისია შეიმუშავებს და საკრებულოს წარუდგენს თავისი კომპეტენციის ფარგლებში სამართლებრივი აქტების პროექტებს.

თავი II

კომისიის სტრუქტურა და კომპეტენცია

მუხლი 2

1. კომისიის შემადგენლობა განისაზღვრება საკრებულოს არანაკლებ 5 წევრით.
2. კომისიის შემადგენლობას, შესაბამისი კომისიის თავმჯდომარის წარდგინებით ამტკიცებს საკრებულო.
3. კომისიის წევრი შეიძლება იყოს მხოლოდ საკრებულოს წევრი
4. კომისიის თავმჯდომარის მიერ საკრებულოს რეგლამენტით დადგენილი წესით, კომისიაში სამუშაოდ დროებით ან კომისიის უფლებამოსილების ვადით, შეიძლება მოწვეულნი იქნენ სხვა პირებიც ანაზღაურებით ან ანაზღაურების გარეშე.

მუხლი 3

1. კომისია თავის საქმიანობას ახორციელებს, `საქართველოს დედაქალაქის _ თბილისის შესახებ` საქართველოს კანონით დადგენილი წესით, საქართველოს კონსტიტუციით, ხელმძღვანელობს საქართველოს კანონებით: `ადგილობრივი თვითმმართველობის შესახებ~, `ლიცენზიებისა და ნებართვების შესახებ~, `ადგილობრივი მოსაკრებლების შესახებ~, `ადგილობრივი თვითმმართველი ერთეულის ქონების შესახებ~, `საქართველოს საბიუჯეტო სისტემის შესახებ~, `სახელმწიფო საკუთრებაში არსებული არასასოფლო-სამეურნეო დანიშნულების მიწის მართვისა და განკარგვის შესახებ~, `სივრცითი მოწყობისა და ქალაქთმშენებლობის საფუძვლების შესახებ~, `არქიტექტურულ _ სამშენებლო საქმიანობაზე სახელმწიფო ზედამხედველობის შესახებ~ და სხვა კანონებით და ნორმატიული აქტებით.

მუხლი 4

1. კომისია თავისი კომპეტენციის ფარგლებში:
 - ა) შეიმუშავებს, განიხილავს და საკრებულოს სხდომისათვის ამზადებს საკრებულოს გადაწყვეტილებებისა და დადგენილებების პროექტებს;
 - ბ) მონაწილეობს საკრებულოში შესული პროექტების განხილვა-დამუშავებაში, ამზადებს დასკვნებს და გადასცემს საკრებულოს შესაბამის ორგანოებს;
 - გ) განიხილავს იმ თანამდებობის პირთა კანდიდატურებს, რომლებსაც ირჩევს ან ნიშნავს საკრებულო, რის თაობაზეც შესაბამის დასკვნებს წარუდგენს საკრებულოს;
 - დ) განიხილავს ბიუჯეტის პროექტს და შეიმუშავებს დასკვნას;

ე) აკონტროლებს საკრებულოს გადაწყვეტილებებისა და დადგენილებების შესრულებას და საჭიროების შემთხვევაში შესაბამის დასკვნას წარუდგენს საკრებულოს;

ვ) ახორციელებს კონტროლს საკრებულოს წინაშე ანგარიშვალდებული ორგანოებისა და თანამდებობის პირების საქმიანობაზე და საჭიროების შემთხვევაში შესაბამის დასკვნას წარუდგენს საკრებულოს;

ზ) წყვეტს თავისი საქმიანობის ორგანიზაციულ საკითხებს;

თ) ახორციელებს ამ რეგლამენტითა და სხვა სამართლებრივი აქტებით დადგენილ უფლებამოსილებებს.

2. განიხილავს და შესაბამის დასკვნებს წარუდგენს საკრებულოს:

ა) ადგილობრივი საკუთრების მართვისა და განკარგვის, ამ საკუთრების შექმნის, შექმნის, იჯარით ან სხვა ფორმით სარგებლობაში გადაცემის და გასხვისების წესების დასადგენად.

ბ) მთავრობის წარდგინებით ადგილობრივი საკუთრების იმ ობიექტებს თაობაზე, რომელთა გასხვისება არ შეიძლება.

გ) ადგილობრივი საკუთრების ობიექტებით სარგებლობის საფასურის შესახებ.

დ) ქალაქ თბილისის მერის წარდგინებით დედაქალაქის ტერიტორიული ზონების ჩამონათვალისა და მათი საზღვრების დასამტკიცებლად. მიწათსარგებლობის წესების დასადგენად.

ე) ქალაქ თბილისის მერის წარდგინებით დედაქალაქის პერსპექტიული განვითარების გენერალური გეგმისა და სხვა მიზნობრივი პროგრამების განხილვის შესახებ.

ვ) ქალაქ თბილისის მერის წარდგინებით ქალაქის რაიონისათვის ან უბნისათვის განსაკუთრებული სტატუსის მინიჭების; გამწვანების, სამრეწველო, სავაჭრო და სხვა სპეციალური ზონების გამოყოფის; მათთვის სახელწოდების მინიჭების, მათი საზღვრების დადგენისა და შეცვლის შესახებ.

ზ) ქალაქ თბილისის მერის წარდგინებით ქალაქ თბილისის (დედაქალაქის, მისი რაიონებისა და დაბა წყნეთის) სოციალურ-ეკონომიკური განვითარების პროგრამებისა და გეგმების, კეთილმოწყობის და გამწვანების პროგრამებისა და გეგმების განხილვისა და დამტკიცების თაობაზე, ახორციელებს კონტროლს მათი შესრულების მიმდინარეობაზე.

თ) ქალაქ თბილისის მერის წარდგინებით კომუნალური და სხვა მომსახურების ტარიფების განსაზღვრის შესახებ.

ი) ქალაქ თბილისის მერის წარდგინებით მოსახლეობის ტრანსპორტით მომსახურების ორგანიზების წესების დასადგენად.

კ) ქალაქ თბილისის მერის წარდგინებით ენერგო-გაზ- და წყალმომარაგების საქალაქო სისტემის ორგანიზებისა და განვითარების პროგრამების დასამტკიცებლად.

ლ) ქალაქ თბილისის მერის წარდგინებით დედაქალაქის შიდა სარგებლობის გზების შეკეთების, რეკონსტრუქციისა და მშენებლობის გეგმების დასამტკიცებლად.

3. განიხილავს და სათანადო რეაგირებას ახდენს ფიზიკურ და იურიდიულ პირთა განცხადებებსა და საჩივრებზე.

4. ახორციელებს საკრებულოს რეგლამენტითა და ამ დებულებით დადგენილ უფლებამოსილებებს.

მუხლი 5

1. კომისიის წევრს უფლება აქვს:

ა) თანაბარ საწყისებზე მონაწილეობდეს კომისიის მუშაობაში, განსახილველ საკითხზე გამოთქვას შენიშვნები, წინადადებები და მოსაზრებები;

ბ) აირჩიოს და არჩეულ იქნეს კომისიის თანამდებობებზე;

გ) ნებისმიერ დროს გავიდეს კომისიის შემადგენლობიდან;

2. კომისიის წევრი ვალდებულია:

ა) მონაწილეობა მიიღოს კომისიის მუშაობაში;

ბ) არ გაახმაუროს სახელმწიფო საიდუმლოების შემცველი ან კონფიდენციური ინფორმაცია;

გ) შეასრულოს კომისიის მიერ მასზე დაკისრებული მოვალეობები

3. კომისიის წევრის მიერ თავისი ვალდებულებების არაერთგზის უხეში დარღვევის შემთხვევაში კომისიის თავმჯდომარეს შეუძლია საკრებულოს წინაშე დასვას საკითხი მისი კომისიის შემადგენლობიდან გაყვანის შესახებ.

საკრებულოს კომისიის სხდომები

მუხლი 6

1. კომისიის სხდომების პერიოდულობას განსაზღვრავს კომისია, მაგრამ არანაკლებ თვეში 1 სხდომისა. კომისიის მორიგი სხდომა მოიწვევა წინასწარ განსაზღვრულ დროს. კომისიის მორიგი სხდომის ჩატარების დროს განსაზღვრავს კომისიის თავმჯდომარე.
2. კომისიის სხდომა უფლებამოსილია, თუ მას ესწრება კომისიის სიითი შემადგენლობის უმრავლესობა.
3. კომისიის წევრები ვალდებული არიან დაესწრონ კომისიის სხდომას და მონაწილეობა მიიღონ მის მუშაობაში. ამ მოთხოვნის დარღვევა გამოიწვევს რეგლამენტით გათვალისწინებულ პასუხისმგებლობას.
4. გადაწყვეტილება მიიღება ღია ან ფარული კენჭისყრით, სხდომაზე დამსწრე კომისიის წევრთა ხმების უმრავლესობით, ღია კენჭისყრის დროს ხმების თანაბრად გაყოფისას გადამწყვეტია სხდომის თავმჯდომარის ხმა.
5. კომისიის სხდომა საჯაროა. განსაკუთრებულ შემთხვევაში კომისია ატარებს დახურულ სხდომას. დახურული სხდომის გამართვის შესახებ გადაწყვეტილება მიიღება კომისიის სიითი შემადგენლობის უმრავლესობით.
6. კომისიის სხდომას სათათბირო ხმის უფლებით შეიძლება დაესწრონ საკრებულოს წევრები, მთავრობის წევრები და მოწვეული სხვა პირები. კომისიის სხდომაზე დასასწრებად შეიძლება მოწვეულ იქნენ დაინტერესებული პირები, რომელთაც სხდომის თავმჯდომარის გადაწყვეტილებით მიეცემა სიტყვით გამოსვლის უფლება. კომისიის სხდომაზე დასასწრებად ასევე შეიძლება მოწვეულ იქნენ მასობრივი ინფორმაციის საშუალებათა დადგენილი წესით აკრედიტებული წარმომადგენლები.

მუხლი 7

1. კომისიის სხდომაზე განიხილება კომისიაში შემუშავებული და შემოსული პროექტები, ინფორმაციები კომისიის საქმიანობის ძირითად მიმართულებათა აქტუალურ საკითხებზე, მოქალაქეთა საჩივრები და განცხადებები, მთავრობის წევრთა და თანამდებობის პირთა ახსნა-განმარტებები, ინფორმაციები, შემოწმებათა სხვა შედეგები.
2. კომისია იღებს რეკომენდაციას, დასკვნას, წინადადებას.
3. კომისიის დასკვნები, როგორც წესი, წარედგინება საკრებულოს სხდომას ან იგზავნება დანიშნულებისამებრ.
4. საკრებულოს წინაშე ანგარიშვალდებული ორგანოების თანამდებობის პირები კომისიის მოთხოვნით ვალდებული არიან კანონმდებლობით დადგენილ ვადაში წარადგინონ შესაბამისი დოკუმენტები, დასკვნები და სხვა საჭირო მასალები.
5. საკრებულოს მიერ არჩეული და დანიშნული თანამდებობის პირი უფლებამოსილია, ხოლო მოთხოვნის შემთხვევაში ვალდებულია, დაესწროს კომისიის სხდომებს, პასუხი გასცეს სხდომაზე დასმულ შეკითხვებს და წარადგინოს გაწეული საქმიანობის ანგარიში. ასეთ თანამდებობის პირს მოთხოვნისთანავე უნდა მოუსმინოს კომისიამ.

მუხლი 8

საკრებულოს თავმჯდომარის მოთხოვნით ან შესაბამისი კომისიების გადაწყვეტილებით შეიძლება ჩატარდეს კომისიების ერთობლივი (საკონსულტაციო) სხდომა. ერთობლივ სხდომაზე განხილულ საკითხებთან დაკავშირებით კომისიები ცალ-ცალკე კენჭისყრით იღებენ შესაბამის გადაწყვეტილებას.

თავი IV

საკრებულოს კომისიის თანამდებობის პირები

მუხლი 9

1. საკრებულოს კომისიის თავმჯდომარეს თავისი შემადგენლობიდან სიითი შემადგენლობის ნახევარზე მეტით ირჩევს საკრებულო.
2. კომისიის თავმჯდომარე:
 - ა) იწვევს, ხსნის და წარმართავს კომისიის სხდომებს;
 - ბ) უზრუნველყოფს საქართველოს კანონმდებლობით, საკრებულოს რეგლამენტით და კომისიის დებულებით დადგენილი პროცედურების დაცვას;
 - გ) ადგენს კომისიის სხდომის დღის წესრიგის პროექტს, განსახილველ საკითხზე გამოსვლის მსურველთა სიას, საკრებულოს რეგლამენტით და კომისიის დებულებით დადგენილი წესით განსაზღვრავს გამომსვლელთა რიგითობას და აძლევს მათ სიტყვას;
 - დ) სვამს საკითხს კენჭისყრაზე და აცხადებს კენჭისყრის შედეგებს;
 - ე) ხელს აწერს კომისიის სხდომის ოქმებს;
 - ვ) მოქმედებს კომისიის სახელით;
 - ზ) ანგარიშვალდებულია საკრებულოს წინაშე;
 - თ) ახორციელებს საქართველოს კანონმდებლობით, საკრებულოს რეგლამენტით და კომისიის დებულებით განსაზღვრულ სხვა უფლებამოსილებებს.
3. საკრებულოს კომისიის თავმჯდომარეს უფლება არა აქვს ეკავოს რაიმე თანამდებობა სახელმწიფო სამსახურში ან ეწეოდეს სამეწარმეო საქმიანობას, შეუთავსებლობის შემთხვევები განისაზღვრება საქართველოს კანონმდებლობით.
4. კომისიის თავმჯდომარის მოადგილე: კომისია თავის წევრთაგან, უფლებამოსილების ვადით, ღია კენჭისყრით, სიითი შემადგენლობის უმრავლესობით ირჩევს კომისიის თავმჯდომარის მოადგილეს (მოადგილეებს).
5. კომისიის თავმჯდომარის მოადგილის კანდიდატურის დასახელების უფლება აქვთ კომისიის თავმჯდომარეს და კომისიის წევრს.
6. კომისიის თავმჯდომარის მოადგილე (მოადგილეები):
 - ა) ასრულებს კომისიის ცალკეულ დავალებებს;
 - ბ) კომისიის (სიითი შემადგენლობის უმრავლესობის) დავალებით ასრულებს კომისიის მოვალეობებს, კომისიის თავმჯდომარის გადადგომის, გადაყენების, მის მიერ უფლებამოსილების განხორციელების შეუძლებლობის შემთხვევაში.

მუხლი 10

- 1 საკრებულოს კომისიის თავმჯდომარე საკრებულომ შეიძლება გადააყენოს თანამდებობიდან. საკრებულოს კომისიის თავმჯდომარის გადაყენების საკითხი საკრებულოს წინაშე წერილობით შეიძლება დასვას საკრებულოს თავმჯდომარემ, ბიურომ, საკრებულოს სიითი შემადგენლობის არანაკლებ ერთმა მესუთედმა, შესაბამისი კომისიის შემადგენლობის ორმა მესამედმა.
2. საკრებულოს კომისიის თავმჯდომარე გადაყენებულად ჩაითვლება, თუ წინადადებას მისი გადაყენების შესახებ მხარი დაუჭირა საკრებულოს სიითი შემადგენლობის ნახევარზე მეტმა.
3. კომისიის თავმჯდომარეს შეუძლია ნებისმიერ დროს, ყოველგვარი ახსნა-განმარტების გარეშე განაცხადოს თავისი გადადგომის შესახებ. შესაბამისი განცხადება წარედგინება საკრებულოს თავმჯდომარეს, რომელიც მას გააცნობს საკრებულოს. კომისიის თავმჯდომარე გადამდგარად ითვლება განცხადების საკრებულოს თავმჯდომარისათვის წარდგენის დღიდან.
4. კომისიის თავმჯდომარის გადადგომის, გადაყენების ან მისი, როგორც საკრებულოს წევრის, უფლებამოსილების ვადამდე შეწყვეტის შემთხვევაში საკრებულო უახლოეს სხდომაზე, ამ რეგლამენტით გათვალისწინებული წესით ირჩევს კომისიის ახალ თავმჯდომარეს.

თავი V

საკრებულოს კომისიის სამდივნო

მუხლი 11

1. კომისიის საქმიანობის უზრუნველსაყოფად იქმნება საკრებულოს კომისიის სამდივნო, რომელიც წარმოადგენს საკრებულოს აპარატის კომისიისადმი დაქვემდებარებულ მუდმივმოქმედ სტრუქტურულ ერთეულს.
2. კომისიის სამდივნო:
 - ა) ორგანიზებას უწევს კომისიის სხდომების მომზადებას, მიღებული გადაწყვეტილებებისა და სხდომათა ოქმების გაფორმებას;
 - ბ) ახორციელებს საკონსულტაციო და ანალიტიკურ ფუნქციებს, ორგანიზაციულ-ტექნიკურ მომსახურებასა და საქმისწარმოებას;
 - გ) მუშაობს კომისიის დებულებით განსაზღვრული დარგობრივი მიმართულებების საკითხებზე, ასრულებს კომისიის თავმჯდომარისა და კომისიის დავალებებს;
 - დ) ასრულებს კანონმდებლობით, კომისიის, საკრებულოს აპარატის დებულებით და წინამდებარე რეგლამენტით განსაზღვრულ სხვა ფუნქციებს.
3. კომისიის თავმჯდომარე წარუდგენს საკრებულოს აპარატის უფროსს კომისიის სამდივნოს სტრუქტურასა და სამტატო ერთეულთა რაოდენობას.
4. კომისიის სამდივნოს შემადგენლობაში შედიან კომისიის სამდივნოს სპეციალისტები (სამტატო განრიგით გათვალისწინებული მოსამსახურეები) და შტატგარეშე მოსამსახურეები (მოწვეული სპეციალისტები).
5. კომისიის თავმჯდომარე კომისიის სამდივნოს მოსამსახურეთა წახალისებისა და მათთვის დისციპლინური პასუხისმგებლობის ზომების შეფარდების წინადადებებს წარუდგენს აპარატის უფროსს.
6. კომისიის სამდივნოს თანამშრომლებს, კომისიის თავმჯდომარის წარდგინებით, `საჯარო სამსახურის შესახებ` საქართველოს კანონით დადგენილი წესით ნიშნავს და ათავისუფლებს საკრებულოს აპარატის უფროსი.
7. კომისიას აქვს თავისი სახელწოდების შემცველი ღერბიანი სატიტულო ბლანკი.

თავი VI

დასკვნითი დებულებები

კომისიის დებულებაში ცვლილებებისა და დამატებების შეტანა ხდება `ნორმატიული აქტების შესახებ` საქართველოს კანონით და საკრებულოს რეგლამენტით დადგენილი წესით.

პროექტი

ქალაქ თბილისის საკრებულო

გადაწყვეტილება # ---

2010 წლის --- ივნისი

„ქ. თბილისის საკრებულოს ეკონომიკური რეფორმებისა და საქალაქო მეურნეობის კომისიის დებულების დამტკიცების შესახებ“ ქ. თბილისის საკრებულოს 2006 წლის 20 ნოემბრის #2-8 გადაწყვეტილებაში ცვლილებების შეტანის თაობაზე

1. „ნორმატიული აქტების შესახებ” საქართველოს კანონის მე-20 მუხლის თანახმად ქ. თბილისის საკრებულომ გადაწყვიტა „ქ. თბილისის საკრებულოს ეკონომიკური რეფორმებისა და საქალაქო მეურნეობის კომისიის დებულების დამტკიცების შესახებ” ქ. თბილისის საკრებულოს 2006 წლის 20 ნოემბრის #2-8 გადაწყვეტილებით დამტკიცებულ დებულებაში შეტანილ იქნეს შემდეგი ცვლილებები:

ა) გადაწყვეტილების სათაური ჩამოყალიბდეს შემდეგი რედაქციით:

„ქ. თბილისის საკრებულოს საქალაქო მეურნეობის კომისიის დებულების დამტკიცების შესახებ”

ბ) გადაწყვეტილების პირველი პუნქტი ჩამოყალიბდეს შემდეგი რედაქციით:

„1. „საქართველოს დედაქალაქის - თბილისის შესახებ” საქართველოს კანონის მე-12 მუხლის „ა” პუნქტის თანახმად დამტკიცდეს ქ. თბილისის საკრებულოს საქალაქო მეურნეობის კომისიის თანდართული დებულება”.

გ) გადაწყვეტილებით დამტკიცებული დებულების სათაური ჩამოყალიბდეს შემდეგი რედაქციით:

„ქ. თბილისის საკრებულოს საქალაქო მეურნეობის კომისიის დებულება”

დ) გადაწყვეტილებით დამტკიცებული დებულების პირველი მუხლის პირველი პუნქტი ჩამოყალიბდეს შემდეგი რედაქციით:

„1. ქ. თბილისის საკრებულოში (შემდგომში – საკრებულო) საკითხების წინასწარი მომზადების, გადაწყვეტილებათა შესრულებისათვის ხელშეწყობის მიზნით შექმნილია საქალაქო მეურნეობის კომისია (შემდგომში კომისია)”.

ე) გადაწყვეტილებით დამტკიცებული დებულების მე-2 მუხლის მე-4 პუნქტი ამოღებულ იქნეს.

ვ) გადაწყვეტილებით დამტკიცებული დებულების პირველი მუხლის მე-2 პუნქტი ჩამოყალიბდეს შემდეგი რედაქციით:

„2. კომისია საქართველოს კანონმდებლობით დადგენილი წესით განიხილავს საკრებულოს მიერ დედაქალაქში საქალაქო მეურნეობის დარგების განვითარების საკითხებს და ამზადებს შესაბამის დასკვნებს”.

ზ) გადაწყვეტილებით დამტკიცებული დებულების მე-3 მუხლის მე-2 პუნქტი ჩამოყალიბდეს შემდეგი რედაქციით:

„2. კომისია საკრებულოს წარუდგენს დასკვნებს მის კომპეტენციას მიკუთვნებულ სამართლებრივი აქტების პროექტებთან დაკავშირებით, მათ შორის:

ა) საქალაქო მეურნეობის დარგების განვითარების პრიორიტეტების შესაბამისად ქალაქ თბილისის ბიუჯეტის პროექტის განხილვისა და დამტკიცების შესახებ;

ბ) საქალაქო მეურნეობის დარგების მიხედვით ქალაქ თბილისის ბიუჯეტის შესრულების ანგარიშის დამტკიცებისა და ბიუჯეტის შესრულების კონტროლის შესახებ;

გ) საქალაქო მეურნეობის დარგების ინფრასტრუქტურის მოწყობის განვითარებისა და რეაბილიტაციის საკითხებზე;

დ) საქალაქო მეურნეობის დარგების რეგულირებად სფეროებში მოსაკრებლებისა და ადგილობრივი გადასახადების განსაზღვრის შესახებ;

ე) დედაქალაქის დაგვა-დასუფთავებისა და ნარჩენების მართვის წესის შესახებ;

ვ) დედაქალაქის პერსპექტიული განვითარების გენერალური გეგმის განხილვისა და

დამტკიცების შესახებ;

ზ) დედაქალაქის განვითარების სტრატეგიის დამტკიცების შესახებ;

თ) დასახლებათა სივრცით-ტერიტორიული დაგეგმვის დოკუმენტების დამტკიცების წესების შესახებ;

ი) დედაქალაქის ტერიტორიის ზონებად დაყოფისა და მის საფუძველზე მიწათსარგებლობის წესების დამტკიცების შესახებ;

კ) დედაქალაქის მოსახლეობის საქალაქო რეგულარული სამგზავრო გადაყვანისათვის სანებართვო წესების დადგენის შესახებ;

ლ) დედაქალაქის ტერიტორიაზე ავტოსატრანსპორტო საშუალებათა პარკირების წესების განსაზღვრის შესახებ;

მ) გარე რეკლამის განთავსების ნებართვის გაცემის წესების დადგენის შესახებ;

ნ) დედაქალაქის დადგენილს ადმინისტრაციულ საზღვრებში ახალი რაიონების შექმნის, არსებული რაიონების გაერთიანების, დაყოფის, გაუქმების, მათი საზღვრების დადგენის, შესაბამისი რაიონების გამგეობების შექმნისა და გაუქმების, რაიონების სხვადასხვა ტერიტორიულ ერთეულებად დაყოფის შესახებ.

თ) გადაწყვეტილებით დამტკიცებული დებულების მე-8 მუხლის მე-4 და მე-5 პუნქტები ჩამოყალიბდეს შემდეგი რედაქციით:

„4. საკრებულო კომისიის უფლებამოსილების ვადით ირჩევს კომისიის თავმჯდომარის მოადგილეს (არა უმეტეს 2 მოადგილისა);

5. კომისიის თავმჯდომარის მოადგილის კანდიდატურის დასახელების უფლება აქვს საკრებულოს წევრს”.

2. გადაწყვეტილება ძალაშია გამოქვეყნებისთანავე.

საკრებულოს თავმჯდომარე

ზაალ სამადაშვილი